

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo za obnovu, razvoj i povratak

JAVNI OGLAS
za dodjelu nepovratnih sredstava za podsticaj razvoja inovatorstva na prostoru
Tuzlanskom kantonu za 2009.godinu

I Predmet konkursa

Predmet oglasa je prikupljanje programa – projekata i inovacija za raspodjelu nepovratnih sredstava (utvrđenih budžetom Tuzlanskog kantona za 2009.godinu) u razdjelu 21. glava 01, potrošačko mjesto 0006, Podrška razvoju kantona. konto 614900 transferi za poticaj razvoja poduzetništva i obrta).

II Pravo učešća

Pravo učešća u javnom konkursu imaju inovatori i udruženja inovatora, sa područja Tuzlanskog kantona.

III Sadržaj programa – projekta

Da bi projekat bio predmet daljeg razmatranja stručne komisije potrebno je dostaviti:

1. Podatke o ponuđaču: naziv udruženja/institucije, pravni status, identifikacioni broj, transakcijski broj, (za one koji su registrovani) ; ime i prezime inovatora; adresa, poštanski broj i mjesto; tel/faks; e-mail; stručna sprema inovatora; zanimanje inovatora; troškovi investicija ukupna ulaganja sa tačno naznačenim pozicijama (u šta se sve ulaže novac), iznos sredstava koja se traže od Ministarstva za obnovu, razvoj i povratak Tuzlanskog kantona i vlastita ulaganja.

2. Obavezni prilozi:

Za udruženje

- rješenje o registraciji ,
- identifikacioni broj,
- matični (statistički) broj ,
- potpisana i ovjerena izjava o namjeri namjenskog korištenja sredstava od ovlaštenog lica.

Za inovatore

- dokumentacija o inovaciji,
- kopija lične karte,
- potpisana i ovjerena izjava o namjeri namjenskog korištenja sredstava vlasnika inovacije.

3. Vrijednost novčanih sredstava trebaju biti iskazane u KM

4. Prije detaljne ocjene, stručna komisija ovog Ministarstva će utvrditi za svakog kandidata kompletnost dokumentacije za prijavu na Javni konkurs.

Broj prihvaćenih projekata – programa, i inovacija te visina sredstava koja će se dati na raspolaganje korisniku, zavisit će isključivo o kvalitetu i stepenu povoljnosti projekta – programa, ili inovacije.

IV Kriteriji za dodjelu su slijedeći:

Za udruženje

- kvalitet programa - projekta
- očekivani efekti programa - projekta
- stupanj samofinanciranja ili financiranja iz drugih izvora

Za inovatore

- osvojene nagrade za inovaciju
- zaštita intelektualnog vlasništva
- dokazi o tržišnoj poziciji inovacije
- stanje razvoja inovacije
- razvoj i istraživanje
- tehnološki nivo
- broj inovacija
- namjena traženih sredstava
- primjena inovacije

Napomena:

1. Ponuđač, bez obzira sa koliko projekata-programa ili inovacije bude učestvovao, Ministarstvo podržava samo jedan zahtjev.
2. Projektom tražena sredstva, ne mogu sadržavati troškove tekućih komunalnih usluga (telefon, struja, voda, i sl.), osobnih dohodaka (plaća, doprinos, službeni put i sl.).

Sva dokumenta koja se prilažu, moraju biti izdata od strane nadležnih organa FBiH. Sve kopije moraju biti ovjerene od nadležnog organa.

Izbor korisnika, izvršit će stručna komisija Ministarstva obnove, razvoja i povratka, na temelju propisanih kriterija.

Podnosioci prijave koji su već koristili poticajna sredstva za inovaciju ovog Ministarstva, nemaju pravo ponovnog učešća po istoj inovaciji.

V Podnošenje projekta-programa

Zapečaćene koverta sa projektom – programom sa odgovarajućim prilogima šalju se preporučeno ili osobno dostavljaju na adresu:

Ministarstvo za obnovu, razvoj i povratak Tuzlanskog kantona, Slatina broj 2, 75000 Tuzla sa naznakom: NE OTVARATI – Prijava po javnom konkursu «Podrška razvoju Kantona» – podrška udruženjima inovatora i inovatorima-

Rok za dostavu aplikacije je 30 (trideset) dana od dana objavljivanja ovog javnog oglasa.

Projekti – programi ili inovacije primljeni nakon isteka roka, neće biti razmatrani.

VI Troškovi projekata – programa

U postupku oglašavanja Ministarstvo za obnovu, razvoj i povratak Tuzlanskog kantona ne snosi nikakve troškove učesnicima na javnom oglasu, te zadržava pravo da projekat – program ili inovacije, prihvati u cijelosti, djelomično ili ga u potpunosti odbije, poništi javni oglas ili odbaci sve projekte.

Ministarstvo za obnovu, razvoj i povratak Tuzlanskog kantona, ne snosi nikakvu odgovornost prema učesnicima konkursa, niti je obavezno objasniti razlog takve odluke.

Prispjela dokumentacija o programima – projektima ili inovacije, neće se vraćati.

VII Ostale odredbe

Sa kandidatima, čiji se projekat – program ili inovacije prihvati, Ministarstvu za obnovu, razvoj i povratak Tuzlanskog kantona su dužni opravdati sredstva u roku navedenom u Odluci o dodjeljivanju sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dodatne informacije, vezane za konkurs mogu se dobiti svakim radnim danom putem telefona broj: 035/288 953, 288 950 (Suad Mehinović) ili faksom: 288 951 od 9.00 do 15.00 sati.